

Mariae Virginis Sacratiss. Miracvlorvm Libri Tres

Vismara, Ercole

Mediolani, 1579

Mirac. Virg. XV. Matrona Christum, rem diuinam faciente[m] uidet, auditq.;
cui cereum, quo purificationis die donamur, in illis sacrificijs, a ministro
coelesti dono datum est.

[urn:nbn:de:hbz:466:1-64305](#)

& quae grauissima piacula admiserat , clementia , & infinita pietate expiaret. Conuertens uero se sanctus uir ad cacodaemonem ; tibi , inquit , nefaria bellua , edi co , & impero Dei maximi nomine , ac uerbis ; ut hinc abeas , teq. in infimum barathrum retrudas ; ne unquam cuiquam obesse possis , qui nomen Virginis inuocet , uereatur , & colat . Ut puluis igitur , turbine collectus , scelestus , qui serui os , habitumq. tamdiu gesserat , ad tartara statim latus est . Quamobrem sanctus uir ab equite liberaliter , & honorifice tractatus est ; qui poste a se coepitae peregrinationi commisit . eques uero ita animum suum parauit , & instituit , ut nihil unquam diceret , aut faceret , nisi id , quod summae sanctitatis , fidei , ac religionis uiro dignum esset .

MIRAC. VIRG. XV.

Matrona Christum , rem diuinam facientē uidet , auditq. ; cui cereum , quo purificationis die donamur , in illis sacrificijs , a ministro coelesti dono datum est .

Le^ttissima , ac pudicissima matrona intimo dolo re diuellabatur ; q. festo purificationis Virginis die , sacris solēnib. manē interesse nō potuisset , ob quasdam occupationes . Cūm igitur anxiē , ac mēte propentissima Virginē , Deumq. uti consueuerat , pre caretur ; cogitatione longius abijt , & mente uagata est , extasi perducta . Visa est autem augustissimū templum ingredi , in quo aderat ornatisimus pulcherri- marum uirginum chorus , quarum una , quae pulchritudine ceteras anteibat , sydereco diademate lucidum caput

caput ornatum gerebat. Considerant iam Virgines, cùm statim ibidem factus est formosissimorum iuuenum celeberrimus confessus. Aduenit postea quidam gestans cereorum funeralium fasciculum, quorum mirificus erat candor. Ac primùm praestantem illā Virginem cereo donauit; deinde singulas alias, ac singulos iuuenes, postremo etiam ipsam matronam. Ibidē autem in illius templi facello maiori diuinam rem faciebat Christus, seruator noster, ac liberator hominū generis, summus sacerdos, summus pontifex. illi inferiebant Vincentius, & Laurentius, ornatum, habitumq. Angelorum gerentes, & Diaconi, ac Subdiaconi munere fungentes. omnib. ritè, solemniterq. per actis, demissis animis, flexisq. genib. summo sacerdoti quisq. suum cereum offerebat. Iam omnes obtulerant, praeter ipsam matronam; quae, licet & à sacerdote, & à Virgine saepius fuisse rogata; tamē expresse negabat. Quin immò, cùm unus è ministris illud uehementer etiam, atq. etiam contendisset; nunquā tamē potuit impetrare. Quarè preces inaneis, & irritas esse, perspiciens, è matronae manib. ui cereum eripere conatur. At ipsa altercante, obnixe eq. tenete cereū, illud in duas parteis diuisum est; unam coelestis minister absulit, altera matronae relictā est. Soluta autem extasi, uerè dimidium cerei manib. continens, immortaleis Deo gratias egit; cuius clementia, ac pietate factum fuerat, ut illis sacrificijs interfuerit, quib. propter occupationes adesse nō potuerat; quibusq. caruerat non sine intimo animi dolore. Cereum uero coeleste, ac diuinum munus semper diligentissime custodiuit; cuius solo tactu è grauissimis morbis multi liberati

berati fuerunt; quippe qui spem firmam, ac fidem habebant, in re tantae religionis, ac sanctitatis, multis deinde exemplis spectata eius cerei uirtus patefacta est.

MIRAC. VIRG. XVII.

Vastissimae columnae Virginis auxilio eriguntur, quod alter minimè praestari poterat.

Constantinus Imp. summae magnitudinis, & mirificè ornatum templum extruendum curabat. cum eam ob rem vastissimae columnae adiectae fuissent, quarum admirabilis erat altitudo, latitudo autem xvij. pedū; frustra eas diu architectus omni machinarum genere erigere conatus est. Animi sese angebat operis redemptor, qui mentem nunc in hanc, nunc in illam cogitationem noctu, atq. interdiu diuidebat, semper meditans, quoniam pacto coeptū opus posset perficere. Vtus est igitur in circō Virginem intueri, quae illa sollicitudine animum levaret; sedulamq. in ea re perficienda operam pollice retur. Iusfit. n. Virgo machinas, & funes certo ordine disponi, ac parari. Deinde, ut è scholis templo proximis treis pueros peteret, imperat; illorū ope, non alia columnas erectū iri attestans. Vbi expperrectus est redemptor ea ratione machinas digerit, quam Dei parens praestituerat. Accersitis ergo illis puerulis, absq. ullo negotio, quod maxima robustissimorum operiorum copia non potuerat, efficit; immensaē magnitudinis columnis erectis. quis igitur erit tam stipes, aut